

Krónan ehf.  
Dalvegi 10-14  
201 Kópavogur

Reykjavík, 11. ágúst 2021  
UST202107-251/H.I.I.  
07.06.06

### **Niðurstaða eftirlits með fæliefni í kjölfar ábendingar**

Umhverfisstofnun framkvæmdi eftirlit í kjölfar ábendingar, sem barst stofnuninni þann 26. júlí sl. vegna vörunnar STIK A' Myggespray EXTRA. Eftirlitið leiddi í ljós að varan uppfyllir ekki skilyrði um markaðsleyfi, sbr. 5. gr. reglugerðar nr. 878/2014 um sæfivörur og 35. gr. efnalaga nr. 61/2013. Jafnframt leiddi eftirlitið í ljós að umrædd vara, sem og varan STIK A' Fri for myg, uppfylla ekki skilyrði 4. gr. reglugerðar nr. 415/2014 um flokkun, merkingu og umbúðir efna og efnablandna og 32. gr. efnalaga um merkingar.

Um umfang og niðurstöður eftirlitsins, þær kröfur sem gilda um markaðsleyfi og merkingar og þau frávík frá tédum kröfum, sem eftirlitið leiddi í ljós, vísast til meðfylgjandi eftirlitsskýrslu.

Krónan ehf. hefur brugðist við með því að fjarlægja vöruna STIK A' Myggespray EXTRA úr hillum verslana sinna og hefur Umhverfisstofnun farið í eftirlit sem staðfestir það. Jafnframt hefur Krónan ehf. tjáð stofnuninni að ekki verði sótt um markaðsleyfi fyrir vörunni.

**Umhverfisstofnun veitir Krónunni ehf. frest til 30. ágúst 2021 til að senda stofnuninni afrit af merkimiða fyrir vöruna STIK A' Fri for myg, sem uppfyllir skilyrði reglugerðar nr. 415/2014 og 32. gr. efnalaga. Nánari útlistun á kröfunum má sjá í meðfylgjandi eftirlitsskýrslu. Jafnframt gerir stofnunin þær kröfur að vörur á sölustöðum, sem og birgðir vörunnar á vörulager, verði endurmerktar með merkimiðanum eftir að hann hefur verið staðfestur af stofnuninni. Jafnframt vill stofnunin ítreka að óheimilt verður að bjóða vöruna STIK A' Myggespray EXTRA fram á markaði þar til hún hefur fengið markaðsleyfi á Íslandi.**

**Úrbætur skulu sendar Umhverfisstofnun merktar málnúmerinu UST202107-251. Rafræn skjöl sendist á [ust@ust.is](mailto:ust@ust.is).**

Umhverfisstofnun veitir Krónunni ehf. hér með frest til 18. ágúst 2021 til þess að koma sjónarmiðum sínum á framfæri, sbr. 13. gr. stjórnslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það

til Umhverfisstofnunar og rökstyðja ástæður þess að efni skýrslunnar ætti að njóta leyndar fyrir 18. ágúst nk.

Umhverfisstofnun veur athygli á því að þó aðeins séu gerðar kröfur varðandi þessa tilteknu vöru gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.

Umhverfisstofnun veur einnig athygli á því að samkvæmt XIII. kafla efnalaga er stofnunni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, t.a.m. með áminningu sbr. 55. gr., álagningu dagsekta sbr. 56. gr., og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingu þvingunarúrræða, sbr. 30. gr. gjaldskrárinnar.

Upplýsingar um markaðssetningu sæfivara má finna á vefsetri Umhverfisstofnunar. Fyrirtækinu er velkomið að leita til sérfræðings stofnunarinnar, Hafdísar Ingu Ingvarsdóttur, til að fá nánari upplýsingar um sæfivörur í síma 591 2000 eða í gegnum netfangið hafdisi@ust.is.

Virðingarfyllst,

Hafdís Inga Ingvarsdóttir  
sérfræðingur

Helga Ösp Jónsdóttir  
sérfræðingur